



17706

I

Mag. St. Dr.

P

nes Carolus
nsis et famb.


Starowolsii Simonis: Panegyricus Illmo
ac Rmo D. Jo. Carolo Comiti Conopae
tio et dedicatus.

PANEG. et VITAE

Polon.

4^{ta}

№ 394.



PANEGYRICVS

Illustrissimo ac Reuerendissimo

S. R. IMPERII PRINCIPI

D. IO: CAROLO


COMITI CONOPATIO

Episcopo Varmieni, & Sambienfi

*Cathedram suam auspiciatissime ingredienti, inter tot
faustas gratulantium apprecationes.*

A SIMONE STAROVOLSCIO

DEDICATVS.



VENETIIS, MDC XXXXIII.

Ex Typographia Ducali Pinelliana.

Superiorum Permissu.

THE UNIVERSITY OF CHICAGO

El fin último de la Revolución

2. R. IMPERII TINCIPIT

W. I. CARROLL

CITY OF CHICAGO



1911

OLIVIA THOMAS

3. EDITED BY

177065

112. M. DC XXXIII.

[Faint, illegible handwriting]

CONTINUED

PANEGYRICVS.



ET SI nullis comparationibus vnquam Episcopalis honor, & sublimitas adæquari potest, Illustrissime Princeps, ac Reuerendissime Antistes, tuis attamen virtutibus, & meritis in vtraque Repub. luculentissimis, nuperrime collatus, angustio-rem quandam in animis hominum, quam per se sit, absolutissimi Præfulis, ac Principis effigiem imprimere videtur. Illæ siquidem tecum natæ, & cælesti quodam influxu magnæ menti insitæ, vt nihil infra se maius Pontificia dignitate, Senatoriaq; purpura agnoscunt, ita exter- nas opes, minora scilicet humanarum laudum adminicula, vt orbi innotescant, minimè quæ- runt. Hæc verò tam assidua, & ampla, vel ma- leuoli cuiusuis iudicio, eminentiorem sibi lo- cum deberi censentur, recenti Præsuleæ digni- tatis accessione: Quod ex ea non tam accepisse te ornamentum, quàm Episcopæ illi dedisse cla- ritudinis incrementum, vniuersi ferè existiment. Hæc enim tua dignitas est, Antistes Illustrissime, amplitudinem tuam & gloriam, maiorum tuo-

rum exemplo, suis non alienis velle splendescere coloribus; præclarissimaq; in Rempub. & Ecclesiam promerita, non ex verbis æstimationem, sed ex communi bono, pondus & auctoritatem habere. Quapropter ita hætenus vixisti, vt cum esses doctrina, virtute, atque nobilitate maximus, videri attamen nolles; neq; turpi efflagitatione, vt mos aulicorum est, eminentiora loca peteres, ne honorum accessione creuisse videreris. Ibas via illa regia, qua boni solent: non ambitionis contentione; sed virtutis ac dignitatis: non astutia & adulatione, sed meritis, & fiducia: vt non aliud te velle esse declarares, quàm quod Numen Supremum de te statuisset. Nam sicut mundi pars superior & ordinatior, nec in nubem cogitur, nec in tempestatem impellitur, nec versatur in turbinem; sed omni prorsus tumultu caret: ita sublimis, & à natura ipsa ad honestatem conformatus animus tuus, quietus semper, & in statione tranquilla collocatus, modestus, venerabilis, & compositus; nec asperitatibus terreri, nec vlla utilitatis specie à recto auocari potest. Magnanimitate igitur ista tua, & generositate perspecta, Antistes, & Senator Amplissime, extenuare laudes tuas fortasse videbor cuiquam, dum exornare,

cona-

conabor; vt perinde verborum coloribus exprimi possit, quod depingitur moribus; effingi simulachris, quod spirat in actibus; mutis committi paginis, quod personat linguis; memorari à me solo, quod celebratur ab omnibus. Ergo tacendum forsitan erit? Nequaquam. Sed iusti silentij huius leges, te perhumaniter ferente lubens perfringam, & dum alij plurimi in tuis attollendis, in Patriam, & Ecclesiam promeritis, insudabunt; ego Magnanimitatem tuam, Prudentiam, Comitatem, atque Religionem, incondita licet oratione, strictim ac modicè persequar. Quibus tu Heroicis virtutibus tuis, ita excellens & mirabilis viuis, vt non domi modò, sed apud exteros etiam, non tacito consensu, verùm aperta omnium voce, sempiternæ memoriæ commenderis.

Et cur non faciant? nam sicuti non improbare vitia maligni est, ita inuidi, non approbare virtutem; præsertim viri eiusmodi, cui patria non obscura, progenies non ignobilis, familia non pudenda, domus non fordida, mores inculpati, vita sine crimine, fama apud probatissimos viros sine macula. Quo scilicet animus velut diuinæ stirpis fiduciam gerens, ad illustris famæ decus eo magis, & ad perennem laudem ex be-

nefa-

nefactis optimè speratam anhelet. Indignum, itaque putarem non admirari virtutes tuas, & merita, Præsul Amplissime, gloriamq; tuam, eo quòd præsens sis, quasi facietate quadam languescere. Cum & præsentis laudes, quæ parcè & pudicè, atque sine fallacia afferuntur, à sapientissimis viris non increpentur; & is qui laudatur præsens, eas viua attestazione corroboret. Omittam igitur Poloniæ, quæ tibi nobiscum Patria communis est, laudes non silendas & encomia: cum omnibus in aperto est, vt populus Sarmaticus ad armorum tractionem paratas habet à natura manus, animos magnarum rerum capaces, industriam ingentibus cæptis parem. Non minor est in sermone venus, in iocis hilaritudo, in gestu gratia, in totius corporis motu decentia. Nec Prussiam tuam in qua primum, aerem hausisti elogijs efferam: cum itidem vnicuique notum sit, in quantam natus sit ille populus animorum alacritatem. Quanta sit illis ingeniorum perspicacia, solertia, promptitudo. Vbicumque illa intenderint, ibi valent: mercaturam, mœchanicaeque artes exercere, litteras, aut rem militarem tractare, in re omni, cui animum operamq; adijcere placeat, propitia Minerva versari. Sed nec progeniem tuam com-

memorare volo, quæ cum nobilissimas quasque Regni Poloniæ familias affinitatibus, & cognitionibus complexa sit, tum verò rerum fortiter gestarum gloria, ac præstantibus in Repub. meritis, longè multas alias prætergressa est, nulli inferior. A multis siquidem sæculis in Germania, magnorum virorum parente, & altrice orta, Bohemiam primò multiplici sua prosapia fecundauit; postmodum in Borussia, Crucigerorum Teutonicorum auspitia secuta, velut surculos quosdam vetustæ claritudinis transmisit, ita vt plurimi ex eis commendatorum titulos (qui honor in Ordine illo Militari præcipuus erat) rebus præclare, & fortiter gestis promeruerint. Exincta demum factione illa Crucigerica, & Prussia vniuersa in prouinciam redacta, florentissima Conopatorum stirps, cupidine veræ virtutis, & gloriæ incensa, in fide & patrocinio Regum Poloniæ constantissimè mansit, tulitq; continua serie viros Reipub. innumeros ferè, qui incredibili sua virtute, ac fortibus ausis, factisq; insignia Patriæ suæ ornamenta pararunt. Præcipuè autem, Nicolaus ille Conopatius, Toparchiæ Camiensis, Legionisq; Regiæ, circa Annum redditæ salutis, trecentessimum quinquagesimum, supra mille, togata æquè ac sagata prudentia

dentia illustris Præfectus. Quid Laurentius frater eius, Suecensis Territorij Prætor celeberrimus; qui erga Principem obsequium, erga Rempub. officium, erga vtrumq; fidem, pacis & belli tempore tenuit? quiq; ad amplificandam vtriusque gloriam, vires contulit, quas potuit, & communem fortunam suæ fortunæ anteferre haud recusauit. Mathiam verò Tribunum militum fortissimum, & Virginis Mariæ cultorem deuotissimum quomodo memorem? qui castra Regia secutus, in pugna illa Choinicensi, parum propitiam fortunam expertus, non nisi Diuæ Diuarum ope, quam pio semper affectu venerabatur, e manibus hostium elapsus est. Nam sicut prouidi patres, non patiuntur eos filios otiosos esse, quos ad liberales disciplinas, & ad vitæ decus natos cognoscunt, & illis plerunque quorum certior spes est, plus laboris imponunt, & exercitatione sudorem, nonnunquam etiam plagis lachrimas excutiunt: sic Superi interdum fortes animos aduersis probant, eosq; docent dura ac difficilia non formidare, & sese cum fortuna luctando, ac pugnando exercere, vt egregia contentione, quid eorum virtus valeat possint ostendere. Hinc & Conopatiij Comites, aduerso illo prælio, in quo possessionum

sua-

suarum magnum sensere detrimentum, non desponderunt animum ut ignaui, sed ad alia ex alijs assidue suscipienda pericula incitabantur, ut viri bellicosi. Prædictusq; Matthias ad Regem Cazimirum Iagellonidem, è carcere hostili reuersus, uti militem fortem & constantem decebat, iterum ad bellicos labores versus, filium quoque vnicum cognominem sibi, diuersis peregrinationibus excultum in commilitium assumpsit. Quem deinde sapientissimus Princeps pro meritis titulo honestissimo Vexilliferi Pomeraniæ exornauit: ac tandem Albertus Rex Succamerarij Culmensis honore insigniuit. An præteribo Ioannem Conopatium Prussiæ primò Thesaurarium & Mariæburgi Logotetam? deinceps Episcopum Culmensẽ, humana contemnere solitum? eaq; constantia præditum, ut casus omnes despicere, nulli homini, nulli fortunæ succumbere, altiorẽ animum habere, quàm ut obrui ijs, qui in hac vita sunt, fluctibus possit, facile queat. Similiter & Georgius Palatinus Pomeraniæ, & Raphael Castellanus Elbingensis, germani fratres, qui iuniori in ætate non gregarij milites, aut castrorum vani spectatores, sed Tribuni, sed Primipili, sed Triarij, agminum ductores, & Phalangum Præfecti, sub

Carolo V. in Africa, Melita, Algerio & Tuneto: alijsq; diuersis Europæorum populorum locis, rebus præclare ac fortiter gestis floruerunt. Æmulati virtutem maiorum suorum, qui sub Gotifredo Bullionio, in Syria atque Palæstina, nobilem ex armis gloriam quæsiere. Nil dico hic de Andrea Canonico Culmensi, atque Varmienfi, optimis literis & linguarum diuersarum peritia illustri. Nil de Georgio Conopatio Stoæ Christianæ Philosopho, vitæ innocentia, & morum sanctitate notissimo. Tum quoque de Fabiano Decano Posnaniensi, apud Clementem, VIII. Leonem XI. Et Paulum V. Pontifices Max: inter Prælatos domesticos loco honorato constitutum. Solus mihi Mathias Pater tuus ad exemplum sufficit, qui Conopatiæ virtutis & gloriæ ex asse hæres, egregia indole sua, Borussia vestram illustrauit. Quodq; acer militiæ, & sub Stephano Rege fortissimo cohortium ductor, & alæ equestris Præfectus fuisset; idcirco Satrapiæ Culmensis à Sapientissimo Rege Sigismundo III. Palatinus appellatus, & à Rudolpho II. Cæsare Germanico, Sacri Imperij Romani Comes, Anno Salutis communis, Millesimo sexcentesimo decimo, creatus, paucos intra menses, meliori consilio ad statum spirituales ani-

munum conuertit, & Paulo V. Pontefice Maximo, eius pietati fauente, Tiaram Præsuleam assumpsit; eiusdemq; Culmenfis Satrapiae Episcopalem dignitatem assecutus est: Hic ut conterraneis suis Luterano errore infectis praeluxerit, ut Sanctè ac innocenter vixerit, ut Numen Diuinum assidue litando placauerit, hodie dum populi illi suspirijs ab imo pectore editis attestantur, dum, inter colloquendum Conopatium Episcopum, memorant. Floruit illo Præstite Catholicae Religionis decor, quia & Christus in eius corde ita re floruit, ut nihil nisi eius honorem, tam in sago, quàm in toga sectaretur. Enimvero, ut dies facie nusquam indiget ad illuminandum nostra terrena, ita nec pietas laude ad sui commendationem. A se clara est semper; & quia Deum spectat, omnem in se bonitatem continet. Et hinc est, quod summo isto in Deum affectu plenus, sustulerat animum à terra, & velut numinis capacem, æternæ sapientiæ radijs miscens, miram quandam in sermone comitatem, in vultu benignitatem, in gestu decentiam, in frænandis cupiditatibus moderationem, in capiendis consilijs prouidentiam, in obeundis denique negotijs dexteritatem perpetuò asseruabat. Hoc tu Parente Clarissimo, hac familia natus amplissima, Anti-

stes Illustrissime, ita te comparasti, vt animum
virtute, vultum modestia, vitam honestate or-
nares: dignaq; magno sanguine indole prædi-
tus, vltro tibi legem indiceres probitatis, in-
nocentiæ, continentiae, virtutumq; omnium.
Heroicarum; nihil ita probro haberi existmans,
quàm inter tot spectatissimas maiorum ima-
gines degenerem esse. Nam ita ferè natura
comparatum est, vt qua in familia multi præ-
clari virtuteq; ac rerum gestarum gloria insignes
viri floruerint, ex eadem qui sunt, eorum vesti-
gia cupidissimè persequantur. Proinde, omitto
alios tuæ inclytæ prosapiæ viros illustres enu-
mere, quos illa continua serie alijs cognominibus
insignitos, affatim Reipub. tulit. Omitto agna-
tos & consanguineos, toto Poloniæ Regno spar-
sos, qui itidem incredibili sua virtute, ac fortibus
ausis factisq; insignia Patriæ suæ ornamenta para-
runt. Cum solius Conopatię domus decora, non
tam ad inanem titulorum auitæq; virtutis iacta-
tionem, quàm potius ad incitamentum egregiæ
indoli tuæ relictam, videam, ad ea te studia pri-
mo ætatis florè concitasse, quæ immortalem glo-
riam parare consueuerunt. Adeò enim nihil exi-
le moliri magnus animus potest, vt minori ad-
huc ætate, & minoribus curis incumbens, tantus

iam tum appareat, quantus olim esse debeat. Tuaq; prima adolescentia, Præsul Amplissime, insignes statim dotes, & quibusvis summis honoribus pares exhibuit: cum scientiarum optimarum disciplinis excultus, & diuersarum linguarum, tractandorumq; armorum peritia instructus, florentissima quæquæ Europæ gymnasia perlustrares. Et non eruditione modò ac literis varijs celebres viros cognosceres, sed militari quoque gloria illustres, & togata simul prudentia conspicuos, in Italia, Gallia, Belgio, Germania, Anglia, Melita, atq; vltima Iberia familiarius adires, genium pernosceres, mores, instituta, leges, indolem vnius cuiusque, ac diuersarum aularum consuetudines connotares, seseq; inde ad acutum decus magis ac magis exaugendum comparares. Redux igitur in Patriam, non defidiæ deditus inter domesticos parietes delituiſti, non ignauiæ inter consalutantium vota seruire proposuisti, non turpi veterno torpens inter adulantium voces commarcuisti: sed salutatis obuiam charissimis quibusvis, mox in Aulam te Sapientissimi Regis Sigisf. III. splendido instructus comitatu contulisti inq; illa grandi vrbanitatis, & ingeniorum periclitandorum officina, elegantia morum, pietate vitæ, suauitate dicen-

di, animi generositate, ita omnium animos tibi comparasti, vt & Procerum amicitiam, & Principis gratiam, facile demereris. Nec immerito sanè; contemnebas enim ignaua pectora, quæ animas sine motu, sine spiritu, sine vigore gerunt inutiles. Eos vero in quibus virtus, vel tenui significatione apparebat, diligebas vt fratres, illustriores obseruabas vt parentes; in quibus autem illa durioribus negotijs enitescibat, Venerabaris vt Deos quosdam terrestres: ipse eorum exemplo dedissem facilitatem aspernando, maximoq; sudore arduum laudis adnitendo. Curia siquidem Sapientis Megistanis est, publicæ mentis & salutis templum, sedes summi consilij palæstra iustitiæ, schola sapientiæ, contubernium virtutis, officina sanctitatis, theatrum amplitudinis, moderatio officiorum, vnde velut à fonte omnis Reipub. prosperitas dimanat. In ea tu, quidquid doctrinæ, virtutum, & sapientiæ, velut è mercatu aliquo è diuturna peregrinatione attulisti, tanquam in theatro quodam Orbis nostri Sarmatici demonstraisti. Quodq; adhuc ad perfectionem animi assequendam à te desiderabatur, ex assidua illa conuersatione cum ciuibus patriæ, legatis extraneis, aulicis Regijs, militibus, & magnatibus quibusvis, feliciter haufisti. Inde

enim

enim menti prudentia , inde sensibus recreatio, inde litteris nitor, cum in Regia varijs varia tractantibus, è diuersisque Regni prouincijs, & vicinis Principibus, negotiorum causa venientibus, multa videris, multa audieris, multa didiceris: quæ vel sola, & nuda, & scientiam addunt , & iudicium limant. Excitatur enim animus, & nescio quomodo maior seipso fit, rerum sublimium, aspectu, alienæ felicitatis progressu, Principis fauore, & cuiusque meritorum in coram approbatione. Tot igitur annis ea in occupatione insumptis, vidisti vaferima aulicorum adulatorum ingenia, considerasti versatilem rebus in agendis prudentiam, suspexisti abstrusa iudiciorum momenta, studia variorum varia, & incrementa ingenio penetrasti. Atque tuam demum virtutem cunctis spectandam exeruisti, auspiciâq; Diui olim Sigisf. III. vtroque Reipub. tempore secutus, insigni dexteritate, fortitudine, prudentia, Religione, & animi magnitudine in Regia & castris eluxisti, fidem & industriam tuam probasti: & quos nuper assecutus es honores, pridem excellenti tua dignitate promeruisti. Sed vel Moschouitico bello exorto, cum fortissimus Rex Smolenscum biennali obsidione expugnaret, peragraretq; cum exercitu victorioso abdita Russiæ

illius,

illius, ultra Tanaim & Obiam sitæ. Hunc tu, tuis cum manipulis militum secutus, vtriusque fortunæ, quam Deus dederat, particeps fuisti; eximiumq; illud tuæ magnanimitatis, ac fortitudinis experimentum dedisti, veteranorum more, in hostico solo, alieno tempore, hyeme summa, inimico & tempestuoso cælo, ad omnem aeris inclementiam obdurari, ventis, pruinæ, & imbribus obluctari, & in horas de vita & capite suctus dimicare. Fuisti igitur non tantum spectator & testis periculorum, sed etiam socius & particeps, quæ ab hoste occurrebant, aduersitatum. Sed te vbique tua pietas saluauit, tua innocentia protexit, sincerusq; veri Dei cultus, quem à maioribus tuis accepisti, hætenus etiam sanum, incolumen, & florentem conseruauit. Cuius beneficio quisque probus sui vilitatem perpendit, exilitatem examinat, & ad rerum cælestium contemplationem citius erigitur. Hæc si cui propria est, tum tibi maxime, Antistes Illustrissime, à quo commilitones tui & amici discere solebant, & vitæ integritatem in lubrico aulæ, & dogmatum veritatem, illa hæreseos plena tempestate. Cæterum, qui suarum omnium actionum iudicem ac spectatorem Deum esse cogitat, is nihil impiè, nihil scelerate facit nihilque

turpe

turpe cogitat; sed cælitum præstantiam æmulatus, placando Numini humilem animum in pectore gerit, supplex illud adorat, expiat pœnitundine delicta: liberalitateq; egenos, munificentia amicos, profusaq; largitione in sacra & sacrorum mystas bonorum suorum, cælum mercatur, & in bonis beneficia fæneratur. Hac virtute Regia maiores tui conspicui fuerunt, qui triginta diuersis in locis templa sumptu magnifico erexerunt, quinquaginta, & amplius dotarunt; Hac desiderabiles thesauros in cælis sunt consecuti; Hac in patria illa superna gloriam æternam sunt adepti. Hac Beata Virgo Iutta, ex illustri sanguine tuo prognata, nil sibi de bonis maternis & suppellectili reseruando, vniuersa proprium reduxit ad meritum; & sanctimonialium cathalogo adnumerata, per pietatis lucra, quæ vobis de liberalitate nascuntur, promeruit in Sanctarum Virginum Ordinem, post obitum transcribi. Quos tu omnes non degenerare animo, Præsul Amplissime imitatus, sacris & prophanis, extraneis & terrigenis, in patria & extra eam constitutus, liberali animo eleemosynas largiris, munera distribuis, beneficia confers; perq; liberalia fasta clarus consurgis, non plus suo quam Diuino honori adaugendo prospiciens.

ciens . Cuius æterna dispositione , tibi proficit quidquid inopi contuleris . Tibi crescit, quicquid in pauperes erogaueris . Tibi conducit , quicquid in Amicos & clientes sparseris . Atque ita versa vice fit , vt dum nummos liberali manu tribuis , diuitias accipis ; dum terram porrigis , cælum promereris ; dum micas spargis , totum ex asse possides : & neglecta vtilitate pecuniæ , acquiris nobiles thesauros famæ .

Vidit hoc Magnus ille ingeniorum Censor , Sigismundus Tertius Poloniæ Rex , & te pro illustribus tuis meritis , Regia clementia prosequi cupiens , Dibouienſi Præfectura cohonestauit , egregiamq; tuam indolem , ac animum , magnis conatibus ad verum gloriæ decus aspirantem . Philippo III. Catholico Regi , cum in Hispanias abires peramanter commendauit ; tuamq; singularem , in florida illa adolescentia tua , constantiam serio contemplatus , lubens libensq; approbavit , cum te Magnorum Principum , vniuersorumq; Regum Europæ fauores , iterata peregrinatione promeruisse inaudiuit . Quid nobilium , & politioris litteraturæ virorum ? qui te passim & vbique , veneratione magis prosequuebantur , quam laude , insignes dotes tuas penitus speculantes . Et qui parem te summis qui-

busvis

busvis honoribus, adeò destinate coniectabantur, vt quod vulgo iudicium ex euento ferri de rerum hominumq; magnitudine consuevit, de te ante omnes euentus ferri potuerit. Neque enim nunc primum miramur in te, quæ videmus, aut mensuram tui capimus ab extraneo honorum accessu. Pridem hoc iter Orbitæ ingressus, ad summa quæquæ contendisti. Pridem inter Regalis Aulæ curas, Patriæ ac Principi tuam industriam, tuum ingenium, & constantiam, probasti. Dedistiq; specimina fidei, probitatis, ac prudentiæ tuæ, quæ Diuo olim Ferdinando II. Imperatori Romano ita placuerit, vt mittens in Poloniam Oratores suos, negotia curæ eorum commissa, tibi communicata esse voluerit; animiq; sui singularem in te propensionem, luculentissimo litterarum suarum testimonio comprobauerit. Quid de grauissimo, & Sanctissimo Pontificis Pauli V. iudicio dicam? qui te diuina præfagitione in magnum præsidium splendoremq; cum Ecclesiæ, tum Reip. providebat futurum? Quid de Urbano VIII. qui te equestri dignitatis hominem tunc, toties familiarissimè allocutus, optabat sua ætate, suoq; tempore, sacris initiatum in castris Ecclesiæ videre? Præsertim cum te animaduerneret, ea prudentia, ea ma-

gnaninitate in Aula versari, & omnes viuendi actiones ita formare, vt primùm honore dignus esses; deinde existimarere. Cum reliqui omnes, vanæ gloriæ studentes, multa ad pompam, pauca ad veritatem loquerentur; & vulgari opinione, sumptuosa magis conuiuia mirarentur, splendidaq; indumenta, & opulentiam probarent, quàm bonam mentem, & litteras politiores. Hinc plurimi vano fastu inflati, amicitiam in beneficijs, humanitatem in blandiloquio, sinceritatem in simulatione collocare consueuerunt. Multosq; ambitio ad honores magnos, cupiditas ad opes ingentes, intemperantia ad quærendas per vim & scelus possessiones, stimulabat ac prouehabat. Adulatio quoque, vetus in orbe malum, quæ in Aulis præcipuè regnat, facit vt omnino difficilis accessus ad honores & magistratus semper illis fuerit, qui recto & candido animo, negotia tam Principis, quàm Patriæ obibant. Inualitq; pridem pestis hæc cunctos hominum Ordines, vt facile muneribus & minis, amore & odio moueantur, atq; de bona mente deturbentur, vtq; eum apud Principem extollant, quem minime extollere deberent, eum probent, quem vitia deturbant ac fædant. Et quisque mortalium, hac maxime labe exagita-

tur,

tur, vt quamuis nullo virtutis choro stipatus sit, honorem sibi quasi debitum exigat. E contra, celeberrimus quisque, Genio aut ingenio, ad prodendam virtutis memoriam, sine gratia & commendatione cuiusque, sine ambitione & fastu, bonæ tantum conscientia præcio ducitur, & Supremi remuneratoris Dei, de se effatum expectat. Ita tu Antistes Illustrissime fecisti, & Regij Psaltis illud *Dominus sollicitus est mei* regio animo identidem ingeminans, non promotione cuiusquam aut fauore, non scelerata aliqua intereius factione, aut ambitu superbo, vel inuerecunda efflagitatione, sed Numine illo cælesti ita disponente, eum in modum Sapientissimo illi Regi Sigisf. III. placuisti, vt te summorum in Europa Principum ore collaudatum, Sanctissimiq; Vicarij Christi iudicio probatum, Filio suo natu maiori, Serenissimo Vladislao, qui nunc feliciter Imperij Sarmatici habenas moderatur, abeunti extra Regnum, prudentem ac iucundum comitem daret: vt pote eum, qui ad omnem humanitatis rationem factus, inter iuuenes comis inter senes grauis, inter litteratos doctus, inter disertos facundus, inter facetos vrbani, inter prudentes denique sapientissimus, in comitatu Serenissimi Principis compareres, & facilitate in-

genij

genij tui, Alcibiadem illum Græcum, Polonus extraneis populis repræsentares. Non potuit enim præstans illa tua, & laudatorum hominum sermonibus virtus laudata occultari, ut in tanti Regis considerationem non veniret: & tamen si liuor ex surgenti ad insignem gloriam famæ tuæ opponi videbatur, non afferebat nihilominus tantum oppositu suo detrimenti, quin tua prudentia semper matura, & planè virilis, perumperet obfistentia inconsultæ inuidentiæ impedimenta. Præsertim Serenissimo Rege Vladislao IV. sceptræ Sarmaticæ adgubernantem: Qui ut rerum potitus est, mox te Charissimo olim Fratris suo, Principi Alexandro, exterorum regiones perlustrare cupienti, itidem ducem itineris, paternâ imitatione dedit. Non alium aptiorem, quenquam, moderatorem illi attribuendum existimans, præter te, Antistes Amplissime, qui summa quæquæ sibi pollicenti, & ad Orbem regendum nato, non dubitares id Scipionis Africani crebris usurpare sermonibus, se quoque à prima ineuntis ætatis teneritudine, esse enutritum, atque educatum, ad maxima in Repub. honorum fastigia. Quod equidem munus humeris tuis impositum, ea fide, diligentia, sollicitudine, toto peregrinationis tempore egisti, ut nec labor,

nec

nec vigilantia, nec fidelitas, eo in munere, dextrè & grauitè obeundo, à te requirerentur vnquam. Proinde iterato te Inuictissimus Rex, alteri Fratri suo charissimo, Principi Cazimiro, in Hispanias abeunti, adiunxit, & summæ præesse voluit: etsi parum felici omine, maleuolentia eorum, & fraude, qui olim candore præ alijs gloriabantur, præpediente. Vbi tum denique tua inuincibilis eluxit constantia, animi robur, & solida virtus, quæ licet vbique & semper, in omnibus tuis actionibus resplendebat, hic attamen diuersa attrita fortuna illustrior apparuit, cum te nec cæca cupiditatis spes, nec præmiorum amor, nec immensum auri pondus, in contrarium abripere potuerunt; sed forti pectore, & candore Polonico, Principi tuæ curæ commisso adhærens, maiori profectò & paccatiori animo, aduersæ fortunæ sustinuisti tela, quàm cæteri benigniores afflatus ferre potuerunt: Fauit huic tuæ constantiæ, tuæq; solitudini Magnus Rex noster Vladislaus IV. & Aristocratico iudicio Aulicorum, promerita tua toties iam exagitata, tandem clementia regali vindicare voluit, affectum monstrauit, probatæq; virtuti tuæ, viam ad honores aperuit, quò ne magni quidem nisi summis conatibus euaserunt. Et tu quidem ipse diu iam

euasisses, si aut præmijs augeri maluisses, quàm meritis: aut ordine inuerso. Voluisses magis cupiditati studere, quam virtuti. In præmijs si quidem reponebas mereri præmia, atque hanc honorificentissimam tui nominis laudem reputabas, laboribus anteire alios, qui honoribus præirent.

Cæterum oportuit tam sublimem animum, tot decorum capacem, non profanis tantum Patriæ curis exerceri, ne eius amplitudini videretur deesse, si ciuilibus tantum negotijs, veluti limitibus angustis clauderetur. Iniuriam quæri potuit Ecclesia, si te sola ciuilis Respub. ita tenuisset, vt sollicitudini sanctiori admoueri nollet, quem dignitas & virtus, diu non in summo tenere erubescibat. Igitur paterno, auitoq; exemplo, baltheo militari deposito, Expræfectus Abbatiam, Vonchensem primo, Sedis Apostolicæ iussu administraſti; neque ita pius esse in Patriam voluisti, vt careret Ecclesia officijs religionis tuæ. Cum vero te diuinitus latiore in campum merita vocarent, vetustissimo Tinecensi Cænobio Benedictinorum, Præses datus, magnum hoc solatium orbitatis Cisterciensibus, quos primò regebas dedisti, meminisse virtutis ac dignitatis tuæ; teq; memoria perenni animorum circum-

ferre,

ferre, non solum doloris lenimento, verum, etiam exemplo probitatis. Denique quod diu bonorum omnium desiderijs ac votis certatum est, ut quod summum terra Borussia haberet, tue celsitatis deferretur, Serenissimus Rex Vladislaus IV. Diuina sic ordinatione disponente, animo liberalissimo præstitit. Et cum nihil maius in illa florentissima Prouincia haberi possit, quod mensuram tuæ magnitudinis adæquet, quam fecisse te Varmiensē Episcopum, à Romanis Imperatoribus Ducali præeminētia, à Regibus verò Poloniae, Senatoria dignitate, & Primatis Prussiae titulo decoratum, Regia clementia indulsit. Ut beneficentiam, quam in te liberalem Diuus progenitor suus Sigismundus III. esse voluit, ipse veluti hæreditate relictam, tibi conferret. Neque illud alio quam Diuino consilio factum existimem, singulares impensas meritorum, non prius illustria honorum retulisse decora, tametsi pridem referre merebantur, quam duorum Regum iudicio id tibi deferri, quod omnium votis postulabatur. Quare licet innumerales Conopatios omnium virtutum comitatu instructos reperiās, qui suam vetustissimam prosapiam, altricem Senatoriæ dignitatis in Prussia, ad hæc vsque tempora claram, & illu-

strem conseruauerint , tu tamen vel imprimis
eam ita exornas & amplificas, vt meritò dicen-
dus sis Senator, Pontifex, Princeps: sapiens, pro-
bus, magnanimus: mente, vita, factis. Quodq;
olim Titus Vespasianus ob summam benignita-
tem & modestiam, Amor & Deliciæ generis hu-
manis habitus est. Hoc tu potiori iure, Amor &
Deliciæ Poloniæ tuæ dici mereris: quia hunc ip-
sum superasti, summa in Deum religione, in Pa-
triam pietate, innocentia vitæ, amore virtutis,
bonorum tutela, litteratorum patrocínio, mo-
rum grauitate, atque in omnes denique beneuo-
lentia & humanitate summa. Maacte igitur his
tantis virtutibus tuis, Præsul Amplissime, & Ca-
thedram tuam, quæ te diu expectabat, ingrede-
re omine fausto. Perge bonis auspicijs, in am-
plissimum hunc dignitatis & honoris gradum,
quem tibi virtutes & merita tua, ardentissimis bo-
norum omnium votis, atque concordibus Bo-
russorum tuorum suffragijs destinarunt, atque
tandem in hoc sublime Principis & Præsulis de-
duxerunt Augustal. Recrea tua amænissima
præsentia, Sedem illam Varmiensẽm olim Ma-
gnorum Episcoporum domicilium, & doctissi-
morum virorum sacrarium, an seminarium? Vbi
Magnus ille Theologiæ Candidatus, lumenq; &

columen sanctitatis olim præsidebat Stanislaus
Hosius Cardinalis. Vbi Ioannes Dantiscus, in
tota litteraria re peritissimus: & cuius diuina quæ-
dam Poësis non obscænos Suffenos, aut triobo-
lares Mæuios olet, sed magni & puri pectoris
opus, à Numine ipso inspiratum. Quid de Mar-
tino Cromero, Liuiio nostro Sarmatico dicam?
Quid de Tidelmano Gissio, omnium scientia-
rum cognitione diuite, & monumentis Philoso-
phicis illustri? Quid de alijs Antistitibus veneran-
dæ Sedis huius, meritis ac virtutibus, Regiaque
purpura conspicuis? Quid de venerabili Colle-
gio Canoniorum, vbi Theologos Doctissimos,
Iurifconsultos clarissimos, Medicos expertissi-
mos, Philosophos acutissimos, Historicos & O-
ratores disertissimos, perpetuò quidem reperi-
as. Sed quos inter Thomas Treterus, & Nicolaus
Copernicus, Astrorum cognitione, & ingenio-
rum solertia, vel cum antiquis illis Chaldæis, aut
Ægyptijs comparandi patrum nostrum æuo eni-
tuere. Quorum tu pios Manes veneratus, dum
tui quoque pectoris diuitias, inter tot faustas gra-
tulantium apprecationes exeres, ipsa Diua Diua-
rum, cuius patrociniò viuus, & cuius honori Æ-
des illa Varmiensis primaria dicata est, benignè
annuente, implebis omnium te summopere de-

fiderantium vota, languescantium animos exscitabis, squalientium mentes recreabis, exhilarabis Clerum, templa ad splendidissimum nitorem reduces, aras exornabis, populumq; vniuersum ingenti animi expectatione detentum, felicissimo tuo aduentu mirificè oblectabis: cum te diuinorum arcanorum Præsidentem, cuius olim virtutes mirabatur celeberrimas, nunc suspiciet, gloriose tanta dignitate ornatas. Nos interim, Supremo omnium fospitatori votis nostris supplicamus, vt tua vita, tua virtute, & beneficentia quàm diutissime fruamur; quia tuam felicitatem, nostram propriam recognoscimus esse. Tibi igitur dum honoris solemnem istam accessionem gratulamur, omnium nostrum communem incolumitatem per hoc stabiliri indicamus. Dum tua præconia celebramus, in nos omnes diu desideratam faustitatem, & lætitiā redundare videmus. In tua namque salute, salus sita est gregis tibi commissi, Religionis Orthodoxæ conseruatio, Legum constantia, Pietas proborum, sanctitas & integritas Sacerdotum. Libertas denique & felicitas omnis vniuersæ Prussiæ incolarum: Qui tuæ sapientiæ, fidei, authoritati, atque tutelæ, non modo templa, altaria, & sacram religionem, sed vitam & salutem deniq;

suam,

suam, suaq; omnia committunt, Atque inuicem sibi lætissimis acclamationibus congratulantur, quod eum nacti sunt Præsulem, in quo mira elucet humanitas, in quo resplendet, rerum agendarum cana prudentia; apud quem plena omnia deuotionis, pietatis, mansuetudinis, charitatis: qui denique omnes fabilitate, lenitate, bonitate, ac suauitate morum, velut fortissimis quibusdam vinculis, sibi coniungit, consociat, allicit. Iam autem, certa lege Numinis, quo quisque fastum animosius calcarit, altius euehitur, & qui se infra mortales collocant, supra mortalitatem efferuntur, nullo vnquam æuo morituri. Viuas & tu votis nostris Illustrissime Præsul, illumque immortalitatis vsum tamdiu differri sinæ dum Ecclesiam hanc tuam sanctitate floridam, & Antecessorum tuorum pietate insignem, Patriamq; tuam vniuersam, grauis annis, longe clarioribus factis & virtutibus recrees; Securus de fama bona & gloria, quæ te manet indubitanter in vtraque vita immortalis.

F I N I S.





